

# Mottekuële

Marie säät opjereesch a Fränz:  
»Misch eß ejal, wie du dat nänns.  
Fü misch op jede Fall steet faß:  
Em Kläeschaaf <sup>1</sup> hamme Mottefraaß!  
En os Poloovere on en  
dr Muff va misch sen Mötte dren.«

»Jank«, säät Marie a senge Fränz:  
»ens nõ de Drojerie. Du känns  
dauch dä Drojiß at lang janz joot.  
Dä weeß bestemmp ene jode Rõt.«

Fränz maat sisch op dr Wäesch on jeet  
nõ Stadt, on dä Drojiß dä schleet  
als Meddel Mottekuële <sup>2</sup> vür.  
Die wöre joot on ned-ens düë <sup>3</sup>.

»Isch weeß, völl Konde va misch hötte  
domet Erfoleje jäje Mötte.  
Och Üsch sollt domet schnäll jelenge,  
dat Onjeziefer ömzebrenge.«

Fränz, övvejlöcklich, zöjert net  
on nemmp och jlisch e Dutzend met.  
Daachsdrop kött Fränz at wië zeröck.  
»Isch hött jäë nauch ens viëzisch Stöck.«

Wie ävve Fränz et drejde Mõõl  
sisch Mõttekuële jälde wool,  
on nauch ens fuffzisch Stöck verlanck,  
deräktemang on op de Hank,  
dõ konnt bejm beißte Well dä alde  
Drojiß net länger aa sisch halde,  
kick Fränz verwonget aan on frõõch:  
»Haad Ühr nauch emme net jenooch?

Jetz saat misch ens, seet dauch su joot,  
wat Ühr met all die Kuële doot!  
Isch han at lang die Drojerie,  
jedauch bes jetz han isch nauch nie  
en e paa Daach eşu-ne Hoof <sup>4</sup>  
van Mõttekuële verkoof.«

Wie Fränz dä Enkoof dann berapp <sup>5</sup>,  
eß-e e beßje enjeschnapp,  
weil hä als Kond bej dä Drojiß  
su wennisch op Verständnis stüß:

»Die Kuële bewähre sisch,  
och wänn dat Zeusch jet komisch rüsch <sup>6</sup>.  
Die fuffzisch he op jede Fall  
die bruch isch nauch. Wat dänk-de wahl,  
wie lang et duet, leeve Mann,  
bes isch su-n Mõtt jetraufe han!«

---

<sup>1</sup> Kleiderschrank <sup>2</sup> Mottenkugeln <sup>3</sup> teuer <sup>4</sup> Haufen  
<sup>5</sup> bezahlt <sup>6</sup> riecht